

CONVENIO DE COLABORACIÓN ENTRE O CONCELLO DE O GROVE E A ASOCIACIÓN DE EMPRESARIOS GROVENSES DE BENS E SERVIZOS PARA A XESTIÓN DOS “BONOS MERCANOGROVE”.

REUNIDOS

Dunha parte, D. José Antonio Cacabelos Rico, en calidade de alcalde do Concello do Grove

E doutra parte, D. José Besada Garrido en calidade de presidente da asociación de Empresarios Grovenses de Bens e Servizos (EMGROBES)

Recoñecéndose as partes representación e competencia suficiente para asinar o presente documento.

MANIFESTAN

1. Que a Asociación de Empresarios Grovenses de Bens e Servizos (EMGROBES) ten como obxectivo a promoción do comercio nos seus establecementos asociados, e colaborar co tecido comercial do Grove en xeral.

2. Que o Concello de O Grove, no marco da campaña BONOS MERCANOGROVE e dentro do plan integral de protección do tecido social e económico da vila, ven de poñer en marcha a iniciativa BONOS MERCANOGROVE, na procura de incentivar o consumo nos establecementos comerciais do Grove para facer fronte ás adversidades que ten por diante o pequeno comercio.

Por todo iso, as partes,

ACORDAN

PRIMEIRO. Subscribir un convenio de colaboración que ten por obxecto o establecemento dun marco de cooperación entre o Concello do Grove e a Asociación de Empresarios Grovenses de Bens e Servizos (EMGROBES) para a xestión da iniciativa de BONOS MERCANOGROVE, que se desenvolverá entre o 20 de outubro ata o 31 de decembro de 2025.

SEGUNDO. A asociación xestionará a iniciativa de acordo coas BASES que se engaden ao presente convenio como ANEXO I, que conteñen os dereitos e

compromisos dos establecementos que se adhiran a ela, así como as condicións de uso dos Bonos polas persoas adquirentes.

TERCEIRO. Poranse á venda 1.700 paquetes de bonos por valor de 30 Euros c/u (10€+10€+5€+5€) dos que o usuario pagará 20 € e os outros 10 € correrán a cargo do Concello.

Deste xeito, asegúrase un investimento de 51.000 Euros que recaerán directamente nos negocios, establecementos comerciais e de restauración, dos que o Concello de O Grove aportará 17.000€ mediante a concesión á Asociación dunha dotación do orzamento vixente a cargo da area da Concellería de Promoción económica e Turismo.

CUARTO. Serán obrigas da Asociación de Comerciantes:

- Colaborar na xestión do proxecto.
- Difundir a campaña entre os negocios, establecementos comerciais do Concello.
- Xestionar e realizar o aboamento aos comercios adheridos á iniciativa.
- Xustificar o cumprimento da finalidade para a que se concedeu a partida a convir e da aplicación dos fondos percibidos dentro dos tres meses seguintes á finalización da execución do proxecto.

Presentarase a tal efecto conta xustificativa con aportación de xustificantes de gasto segundo se indica:

- Folla con relación de ingresos e gastos
- Tíckets utilizados nos establecementos adheridos á iniciativa
- Elaborar un informe final do proxecto, memoria avaliativa e un balance económico das accións, dentro do prazo de tres meses seguintes á finalización da execución do proxecto.
- Reintegrar ao Concello do Grove, mediante transferencia bancaria á conta que a tal efecto se determine, os remanentes da compra e consumo dos bonos que resten na conta bancaria e/ou aplicación dixital de adquisición dos bonos, dentro do mes seguinte ao remate da campaña.

QUINTO. Serán responsabilidade do Concello de O Grove as funcións que se enumeran a continuación:

- Asignar unha dotación financeira e adiantala, para o desenvolvemento dilixente do proxecto e para que asociación poida facer fronte con solvencia os pagos dos comercios adscritos.


- Xestionar e supervisar as tarefas de adquisición dos bonos.
- Difundir a iniciativa entre a cidadanía, negocios e establecementos do Concello.
- Coordinación coa Asociación en todo o que for preciso.
- Habilitar un espazo municipal para a asistencia ás veciñas e veciños do Concello que non posúan as competencias dixitais ou medios materiais para a adquisición telemática dos bonos.

SEXTO. O incumprimento de calquera das obrigas por parte da Asociación, suporá o reintegro total ou parcial da subvención concedida.

En proba de conformidade, asinan as partes o presente convenio:

Polo Concello de O Grove


Pola Asociación de Comerciantes



O Alcalde-Presidente

J. Antonio Cabelos Rico

Presidente EMGROBES



José Besada Garrido

